



Broj: 14-02-04-06037-2/22  
Sarajevo, Februar 13. 2023. godine

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
ZASTUPNIČKI/PREDSTAVNIČKI DOM  
(Na pažnju: Dr. Denis Zvizdić, predsjedavajući)

13-02-2023  
PREDMET: Informacija, dostavlja se;

VEZA: Poslaničko pitanje poslanika Saše Magazinović, broj: 01-50-1-2139/22 od  
21.12.2022. godine

Poštovani,

Kantonalna uprava za inspekcijske poslove Kantona Sarajevo, dana 26.12.2022. godine, zaprimila je vaš akt, broj i datum veze, a koji se tiče poslaničkog pitanja, poslanika Saše Magazinović, koje glasi:

“ Da li ste vršili inspekcijski nadzor tržišta po osnovu prodaje proizvoda koji sadrže ekstrakte, tinkture i ulja kanabisa?  
Ukoliko jeste, koja institucija je dala odobrenje za uvoz i prometovanje tim proizvodima?”

U skladu sa prethodno navedenim, obavještavamo vas da je Kantonalna uprava za inspekcijske poslove Kantona Sarajevo izvršila timski nadzor farmaceutskog i tržišno turističkog inspektora u 7 apoteka na okolnosti da li se i na koji način prometuju proizvodi koji u sebi sadrže biljku konoplju. Apoteke u kojima su vršeni nadzori su:

1. JU "Apoteke Sarajevo", Ogranak Stari Grad
2. PZU Apoteka Pharmamed, Ogranak Sarajevo
3. PZU Apoteka Al Hana, Ogranak Al Hana Dija San
4. PZU Apoteka La Vita
5. PZU Apoteka B Pharm, Ogranak Mercator
6. PZU Apoteka Gral, Ogranak Apoteka Dobrinja 1
7. Privatna apoteka Al Tawil.

OK  
14-02-2023

U Zakonu o sprečavanju i suzbijanju zloupotrebe opojnih droga ("Službene novine BiH", broj 08/06) u članu 19. (Zabrana opojnih droga, psihotropnih supstanci i biljaka razvrstanih u Tabeli I) se navodi:

"1. Uzgoj, proizvodnja, promet, posjedovanje i upotreba supstanci i biljaka razvrstanih u Tabeli I, te njihovih preparata zabranjena je, osim u svhe medicinskog ili naučnog istraživanja ili u sudskomedicinske, nastavne ili u policijske svhe, kao što je propisano ovim zakonom (Glava VIII),

2. Izuzetno od stava 1 ovog člana, uzgoj konoplje i maka dozvoljen je u svrhe i pod uslovima propisanim ovim zakonom (Glava IV)."

U Tablici I stoji: **Zabranjene tvari i biljke**, Zakona o sprečavanju i suzbijanju zloupotrebe opojnih droga, u Glavi I Popis opojnih droga, pod rednim brojem 13. se navodi **konoplja (Cannabis sativa L)**, njezine smole, ekstrakti i tinkture (Biljka, njezini dijelovi, aktivni sastojci biljke izdvojeni u bilo kojem obliku kao njezine smole, ekstrakti i tinkture).

U Glavi IV, Tablice I, takođe stoji: Zabranjene tvari i biljke, navedenog zakona je napisano: Biljke iz kojih se može dobiti opojna droga, čiji je uzgoj i promet dozvoljen u industrijske svrhe- Konoplja (Cannabis sativa): Konoplju je dozvoljeno uzgajati i stavljati u promet ukoliko sadržaj tetrahidrokanabiola (dalje u tekstu THC) u suhoj tvari biljke ne premašuje 0,2%.

Na osnovu navedene zakonske regulative, a iz nadležnosti farmaceutskog inspektora u apotekama je vršena provjera da li iste imaju proizvode od konoplje, te ako imaju da li postoji dokaz o količini THC-a u istim.

Na osnovu navedene zakonske regulative, a iz nadležnosti farmaceutskog inspektora u apotekama je vršena provjera da li iste imaju proizvode od konoplje, te ako imaju da li postoji dokaz o količini THC-a u istim.

Od naprijed navedenih apoteka u dvije apoteke u momentu kontrole nisu zatečeni proizvodi koji u sebi sadrže biljku konoplju.

U ostalih pet apoteka zatečeni su proizvodi naziva Canna Ice gel a 250ml, Canna Forte krema a 250ml i Canna hot krema a 250ml od proizvođača Pharmamed d.o.o., Travnik, ul. Dolac na Lašvi bb, koji u sebi sadrže ulje sjemena konoplje i to u koncentraciji od 5% i 10%.

Na deklaraciji zatečenih proizvoda naznačeno je da su isti odobreni od strane Ministarstva zdravstva Federacije Bosne i Hercegovine, te da u navedenim proizvodima nema tetrahidrokanabiola.

U momentu kontrole u apotekama su predočena rješenja od Ministarstva zdravstva Federacije Bosne i Hercegovine za navedene preparate u kojim se navodi da su proizvodi registrovani kao Kozmetika sa posebnom namjenom, kao i izjava proizvođača da u pomenutim preparatima nema supstance tetrahidrokanabiola.

U jednoj apoteci od ukupno pet u kojima su pronađeni preparati koji u sebi sadrže biljku konoplju pronađen je preparat naziva Alpska krema sa konopljinim uljem i đavolom kandžom a 200ml, uvoznika Pharmanova Trade, ul. Svetosavska 25. Za navedenu kremu nije predočen dokaz da ista u sebi sadrži ili ne sadrži supstancu tetrahidrokanabiola. Postupajuća inspektorica je naložila da joj se dostavi adekvatan dokaz da li u navedenom preparatu ima zabranjene supstance. Predmetna apoteka je dostavila izvještaje o izvršenim fizičko hemijskim analizama i mikrobiološkim za navedenu supstancu, te da je ista bezbjedna za primjenu. Apoteka je kontaktirala uvoznika sporne kreme putem mail-a sa upitom da li u spornoj kremu postoji sadržaj THC-a, pri čemu je odgovor uvoznika prosljeđen na službeni mail postupajuće inspektorice u kojem se, između ostalog,

navodi: "Niko nam nikada nije tražio nikakav dokument, jer proizvod ne sadrži u sebi THC- THC supstancu nije moguće dobiti iz sjemena canabisa. Proizvod se prometuje u svim zemljama na Balkanu, kao i u Srbiji koja ima slične ako ne i identične zakone povodom sadržaja THC supstance."

Svi naprijed navedeni preparati koji u sebi sadrže biljku konoplju su naručeni od ovlaštenih veleprometnika, koji su upisani u Registar veleprometnika kod Agencije za lijekove i medicinska sredstva BiH.

Tržišno-turistička inspekcija primjenjujući odredbe Zakona o unutarnjoj trgovini FBiH, Zakona o kontroli cijena u FBiH, dana 22.12.2022. godine, u timskom radu sa farmaceutskim inspektorom, izvršila je inspeksijski nadzor nad PZU-APOTEKA-PHARMAMED Vitez, u ulici Bašćaršija broj 28 i tom prilikom zatečeni su u prometu:

1. CANNAICE GEL A 250 ml, 8 komada po prodajnoj cijeni od 13,05 KM, ulazna kalkulacija 202272/8917, TK 4759/22 od 27.09.2022. po dobavljaču PHARMAMED Travnik, proizvođač PHARMAMED d.o.o. Travnik, uz priloženi fiskalni račun;
2. CANNAFORTE krema a 250 ml, 4 komada po prodajnoj cijeni od 13.50KM, ulazna kalkulacija 2022/2/9973, TK broj 5284/22 od 21.10.2022. godine po dobavljaču PHOENIX d.o.o. Bijeljina, proizvođač PHARMAMED d.o.o. Travnik;
3. CANNAHOT krema a 250 ml, 4 komada po prodajnoj cijeni 13,05 KM, ulazna kalkulacija 2022/2/9973, TK broj 5284/22 od 21.10.2022. godine nema fiskalnog računa zbog neobaveznog posjedovanja fiskalnog uređaja od strane privrednih društava iz Republike Srpske.

Takođe, dana 22.12.2022. godine izvršen je inspeksijski nadzor u timu i u JU "Apotheke Sarajevo", u ulici Fra Grge Martića bb i tom prilikom zatečeni su sljedeći proizvodi:

1. CANNAFORTE krema a 250 ml, 4 komada, po prodajnoj cijeni od 14,05 KM, po dobavljaču MGM FARM d.o.o. Kakanj, interna prijemnica 2022/14/3673, TK broj 10862/22 od 16.12.2022. godine uz priloženi fiskalni račun;
2. CANNAHOT krema a 250 ml, po prodajnoj cijeni od 12,60 KM, po dobavljaču PHARMAMED d.o.o. Travnik, interna prijemnica 2022/14/1713, TK broj 4850/22 od 13.06.2022. godine uz priloženi fiskalni račun;

Dana, 23.12.2022. godine izvršen je timski inspeksijski nadzor nad PZU "B PHARM" u ulici Ložionička broj 16 i zatečeni sljedeći proizvodi:

1. CANNAHOT a 250 ml, 2 komada po prodajnoj cijeni od 13,10 KM, račun-otpremnicu broj 3894/22, ulazna kalkulacija i fiskalni račun;
2. CANNAFORTE a 250 ml, 1 komad po prodajnoj cijeni od 13,55KM, račun -otpremnicu broj 3894/22, ulazna kalkulacija i fiskalni račun;
3. CANNAICE a 250 ml, 1 komad po prodajnoj cijeni od 14,15 KM, ulazna kalkulacija 2022725/16981, TK broj 3999/22 od 19.12.2022. godine, uz priloženi fiskalni račun;

Isti dan izvršen je timski inspeksijski nadzor i nad PZU APOTEKA "AL-HANA" u ulici Envera Šehovića br.56 gdje je zatečen proizvod - CANNAHOT krema 250 ml po prodajnoj cijeni od 13,60 KM, po dobavljaču PHOENIX d.o.o. Banja Luka, interna prijemnica 2022/32/56215, TK broj 11163/22 od 26.11.2022. godine;

Dana, 26.12.2022. godine izvršen je timski inspeksijski nadzor u prostorijama PZU-APOTEKA "GRAL" u ulici Hamdije Kapidžića broj 5-6 i zatečeni sljedeći proizvodi:

1. CANNAHOT krema a 250 ml, 3 komada po prodajnoj cijeni od 13,50 KM, po dobavljaču PHARMAMED Travnik d.o.o., ulazna kalkulacija broj 19423/22, TK broj 5586/22 od 19.12.2022. godine uz priloženi fiskalni račun;



2. CANNAFORTE krema a 250 ml, 3 komada po prodajnoj cijeni od 14,00KM, po dobavljaču PHARMAMED Travnik d.o.o., ulazna kalkulacija broj 19423722, TK broj 5586722 od 19.12.2022. godine, uz priloženi fiskalni račun;
3. CANNAICE gel a 250 ml, 2 komada po dobavljaču TUZLAFARM d.o.o., ulazna kalkulacija broj 9556722, TK broj 2816/22 od 28.06.2022. godine i 2 komada ALPENKRAUTER krema, 200ml po prodajnoj cijeni od 8,00KM, sa nepotpunom deklaracijom uvoznika ICM Bijeljina.

Takođe, inspektori Kantonalne uprave za inspekcijske poslove Kantona Sarajevo su u timskim inspekcijskim nadzorima: inspektori za hranu i tržišno turistički inspektor, u periodu od 22.12.2022. do 26.12.2022. godine, izvršili inspekcijske nadzore kod subjekata, koji prometuju proizvodima dobivenim od dijelova biljke cannabis na području Kantona Sarajevo i utvrdili da su proizvodi koji su zatečeni u prometu kontrolisani na osnovu Zakona o hrani ("Službeni glasnik BiH", broj 50/04). U skladu sa članom 14. stav (2) Zakona o hrani, neprikladnom za ljudsku konzumaciju smatra se hrana ako sadrži materije ili sirovine koje nisu toksikološki evaluirane, provjerene i sigurne za ljudsku upotrebu.

Na osnovu utvrđenog činjeničnog stanja i registrovanih neusklađenosti u poslovanju s hranom, prvenstveno u dijelu koji se odnosi na navode na deklaraciji proizvoda – informisanje potrošača o hrani, Kantonalna uprava za inspekcijske poslove Kantona Sarajevo, izvršila je inspekcijske nadzore kod pet poslovnih subjekata:

1. Bingo d.o.o. Tuzla
2. dm drogerie markt d.o.o. Sarajevo
3. GA-ME-HA d.o.o. Sarajevo
4. TR Herbal Shop Biomed
5. CM-Cosmetic Market d.o.o. Vitez

U prometu su zatečeni i kontrolisani sljedeći proizvodi:

1. Premim konoplja, 100% prirodno ulje - hladno cijedeno ulje iz sjemena prehrambene konoplje. Namjena: hrana i eksterno. Proizvođač Opća zadruga "PINAR" p.o. Žepče.
2. CBD Basic 10% 1000 mg, ulje konoplja, Plus cjeloviti spektar kanabinonida i terpena. Namjena: eksetna. Mjesto porijekla: EU, uvoznik za BiH: BIOMEDIC d.o.o. Banja Luka.
3. OLIVE OIL CBD DRPOS, CBD 5%, 10ml, Namjena: eksterna. Proizvođač: PharmaHemp d.o.o. Ljubljana, uvoznik za BiH: BIOMEDIC d.o.o. Banja Luka. Na ambalaži naznačena koncentracija THC 0,2%.
4. MENTOLKA EXTRA GEL, gel za masažu sa efektom hlađenja za masažu umornih mišića, napetih leđa i zglobova. Namjena: eksterna. Proizvođač: Simply You Pharmaceuticals a.s. Rohačova, uvoznik za BiH: CEK d.o.o. Zenica.
5. VENOSIL 100ml, gel od konoplje, sadržaj konoplje 8%, Namjena Eksterna. Proizvođač: Simply You Pharmaceuticals a.s. Rohačova, uvoznik za BiH: CEK d.o.o. Zenica.
6. PHARMAMED ULJE KONOPLJE, 100% prirodno, hladno presano. Namjena: oralno. Puni i distribuira: Pharmamed d.o.o. Travnik.
7. HOT CANNA, CANNA THERAPY 5% ulja sjemena konoplje na 250 ml. Namjena: eksterno. Puni i distribuira: Pharmamed d.o.o. Travnik.
8. SUNNAH SMJESA ZA MRŠAVLJENJE, Namjena: pospješuje metaboličke procese i pomaže pri mršavljenju i jačanju imuniteta. Proizvodi Sunnah-product d.o.o. Osmanagići bb, Cazin BiH, zemlja porijekla BiH.
9. KLAS KONOPLJINO ULJE 250ml, hladno cijedeno nerafinisano, Namjena: hrana i eksterno. Proizvodi i pakuje: PORTA NATURE d.o.o. Srebrenik distributer Klas Srebrenik.

10. PROTEIN KONOPLJE 100% organic, superfood, BIOfan/Bio namirnice, Namjena: hrana. Pakuje i distribuira FAN-Commerce d.o.o. Visoko.
11. SJEMENKE KONOPLJE SUPERFOOD, bioFAN 150G, Namjena: hrana. Pakuje i distribuira FAN-Commerce d.o.o. Visoko.
12. 100% PRIRODNO ULJE KONOPLJE, Namjena: hrana. Proizvodi i pakuje: GA-ME-HA d.o.o. Sarajevo.
13. Njegujuće ulje za lice i tijelo s uljem konoplje i ekstraktom ruže, 100ml, Namjena: eksterno. proizvodi: Dm drogerie markt, Njemačka.
14. Kaladont Cannabis White, kaladont pasta za zube, 75ml, Namjena: eksterna. Proizvodi: SAPONIA d.d. Osijek, uvoznik za BiH: Mepas d.o.o. Široki Brijeg.
15. Konoplja organska (oljuštena), Namjena: Hrana. Zemlja porijekla: Kina, uvoznik za BiH: Delta Trade Zenica, pakuje: GA-ME-HA d.o.o. Sarajevo.
16. 100% PRIRODNO ULJE KONOPLJE, Namjena: hrana i eksterno. Proizvodi i pakuje: GA-ME-HA d.o.o. Sarajevo.

Dokumentacija o sadržaju THC je predočena samo za slijedeće proizvode:

1. Hladno presano ulje od konoplje, proizvođač Pharmamed d.o.o. Travnik, certifikat o analizi, sadržaj THC manje od 1.0
2. Konoplja organska (oljuštena), Proizvodi i pakuje: GA-ME-HA d.o.o. Sarajevo. Certifikat o analizi: Ukupni THC nije detektovan. Od istog sjemena proizvedeno 100% PRIRODNO ULJE KONOPLJE.

Na osnovu navedenih i izvršenih zajedničkih inspeksijskih nadzora, kantonalnih inspektora za hranu i kantonalnih tržišno-turističkih inspektora radi kontrole artikala u prometu koji sadrže industrijsku konoplju, zatečenih u prometu u sljedećim subjektima nadzora i to: "GA-ME-HA" doo Sarajevo, DM Drogerije Markt doo Sarajevo, CM-Cosmetic Market doo Vitez, Podružnica u Sarajevu u TC Importane, TR Herbal Shop BIOMED i BINGO doo Tuzla, Poslovnica Sarajevo u ul. Dž. Bijedića 160, a u skladu sa ovlaštenjima datim u članu 25. Zakonu o unutrašnjoj trgovini ("Službene novine br. 40/10 i 79/17), Zakona o zaštiti potrošača u BiH ("Službeni glasnik BiH" br. 25/06), u dijelu kontrole nad dokumentacijom o nabavci zatečenih artikala u prometu kao i uvida u fakture dobavljača, sačinjavanja kalulacija i evidentiranja ovih dokumenata kroz trgovačku knjigu za trgovinu na malo, kontrola izdavanja fiskalnih računa kupcima odštampanih preko fiskalnih uređaja preko kojih se vrši evidentiranje prometa u trgovini na malo, nije utvrđeno nepoštivanje naprijed navedenih zakonskih propisa.

U skladu sa prethodno navedenim, inspeksijskim nadzorima je utvrđeno da je u prometu široka ponuda proizvoda koji sadrže dijelove biljke cannabis: hrana, dodaci prehrani, kozmetika, kozmetika sa posebnom namjenom i sredstva za ličnu higijenu.

Samo proizvodi koji spadaju u grupu - kozmetika sa posebnom namjenom, imaju rješenje Federalnog ministarstva zdravstva.

Kantonalna uprava za inspeksijske poslove Kantona Sarajevo je relevantnim institucijama dostavila informaciju o utvrđenom stanju sa prometom proizvoda od cannabisa i zatražila dodatne informacije i stručno mišljenje od Agencije za sigurnost hrane BiH (ASH BiH), Agencije za lijekove i medicinska sredstva BiH, Ministarstva zdravstva FBiH (MZ FBiH) i Federalne uprave za inspeksijske poslove.

Od Agencije za lijekove i medicinska sredstva BiH je dostavljen odgovor broj: 07-07.7-10-366-1/23 od 19.1.2023. godine, a u kojem se između ostalog navodi kako slijedi:

"Konoplja (*Canabis sativa* L.) je biljka koja članom 17. Zakona o sprečavanju i suzbijanju zloupotrebe opojnih droga ("Službene novine BiH", broj 8/06), dalje: Zakona), Razvrstavanje u Listi, pod rednim brojem 13., razvrstana u Tabeli I: Zabranjene tvari i biljke, 1. Lista opojnih droga.

Lista opojnih droga u Tabeli I jasno navodi da se zabrana odnosi na biljku konoplju, njene dijelove, aktivne sastojke biljke izdvojene u bilo kojem obliku kao njene smole, ekstrakti i tinkture.

Napominjeno da, u skladu sa pravilima struke, sjeme kanabisa, takođe čini dio biljke konoplje.

Dakle, zabranjeni su svi aktivni sastojci, uključujući i THC, ali i CBD odnosno cjelovita biljka.

Izuzetno, u skladu sa Zakonom, član 25. Zakona (Dozvoljeni uzgoj konoplje) stav (1) dozvoljava uzgoj konoplje i to na sljedeći način, citiramo:

"Konoplju (*Cannabis sativa* L.) je dozvoljeno uzgajati samo s cijem proizvodnje vlakana, proizvodnje sjemena za prehranu životinja, daljnjeg razmnožavanja i prerade sjemena."

Nadalje, u istom članu stav (2) Zakona pojašnjava da je uzgoj konoplje dozvoljen samo pravnim i fizičkim licima koji imaju dozvolu Ministarstva vanjske trgovine i ekonomskih odnosa Bosne i Hercegovine.

Takođe, Tabela I: Zabranjene tvari i biljke sadrže Listu pod rednim brojem 4. koja nosi naslov: Biljke iz kojih se može dobiti opojna droga, čiji je uzgoj i promet dozvoljen u industrijske svrhe, a u kojoj su navedeni konoplja (*Cannabis sativa* L) i mak (*Papaver somniferum* L). Za konoplju je navedeno da ju je dozvoljeno uzgajati i stavljati u promet ako sadržaj tetrahidrokanabiola (THC) u suhoj tvari biljke ne prelazi 0,2%.

Dakle, konoplja je biljka iz koje se može dobiti opojna droga i važeći Zakon predviđa uzgoj i promet isključivo u industrijske svrhe, gdje je članom 25. jasno naveo "s ciljem proizvodnje vlakana, proizvodnje sjemena za prehranu životinja, daljnjeg razmnožavanja i prerade sjemena."

U daljem tekstu Agenciji za lijekove i medicinska sredstva BiH isti navode da imajući u vidu da se radi o zabranjenim aktivnim sastojcima, tj. o biljci koja je još uvijek zabranjena u BiH, Agencija za lijekove i medicinska sredstva BiH nije bila u mogućnosti, odnosno nije ni mogla, izdati dozvole za proizvodnju/uvoz lijekova koji sadrže aktivne supstance kanabisa, te s tim u vezi, u legalnom lancu snabdijevanja, na tržištu BiH se ne mogu naći lijekovi koji sadrže isto. U odnosu na pronađene proizvode na tržištu, a koji su navedeni u upitu Kantonalne uprave, ista navodi da se ne radi o lijekovima već o kozmetici sa posebnom namjenom i dijetetskim proizvodima, te da su isti, u konkretnom slučaju, u nadležnosti Federalnog ministarstva zdravlja.

Dalje, farmaceutska inspektorica je Agenciji za lijekove i medicinska sredstva BiH nakon zaprimljenog odgovora, poslala dopunu informacije u kojoj su prosljeđena rješenja izdata od Federalnog ministarstva zdravstva na osnovu kojih su proizvodi koji u sebi sadrže biljku konoplju registrovani kao Kozmetika sa posebnom namjenom. Agencija je odgovorila dopisom, broj: 07-07.7-10-366-3/23 od 27.1.2023. godine u kojem navodi da Inspektorat Agencije nije nadležan nad proizvodnjom i prometom životnih namirnica i predmeta opće upotrebe.

Federalno ministarstvo zdravstva se, aktom broj: 04-33-0392/23 od 25.01.2023. godine, takođe očitovalo na upit Kantonalne uprave za inspeksijske poslove Kantona Sarajevo, broj: UP-1-14-10/20-33-22377/22 od 17.01.2023. godine, te u istom navelo da je Federalno ministarstvo zdravstva nadležno za izdavanje odobrenja za uvoz i/ili promet dijetetskih proizvoda. Na osnovu člana 51. Pravilnika o zdravstvenoj ispravnosti dijetetskih namirnica koje se mogu stavljati u promet ("Službene novine FBiH", br. 7/04, 45/04, 2/13 i 96/17), federalni ministar zdravstva

imenovao je Stručno povjerenstvo za dodatke prehrani i druge pripravke, a na temelju čijeg mišljenja isti izdaje dozvolu za uvoz i/ili stavljanje u promet dijetetskih pripravaka. Takođe navode da je sastavni dio tog Pravilnika Lista dozvoljenih ljekovitih biljnih vrsta, a na kojoj se ne nalazi industrijska konoplja (*Cannabis sativa*). Na osnovu prethodno zaprimljenih zahtjeva poslovnih subjekata, Stručno povjerenstvo je donijelo stručno mišljenje i zaključilo da ne postoje uvjeti za izdavanje odobrenja o stavljanju u promet dodataka prehrani koji u svom sastavu imaju *Cannabis sativu*, te da temeljem toga ministarstvo nije izdalo niti jedno odobrenje za uvoz i/ili stavljanje u promet dodataka prehrani koji u svom sastavu imaju biljnu vrstu *Cannabis sativa* ili njene derivate. U skladu sa navedenim Federalno ministarstvo zdravstva je stava da prema važećim propisima nije moguće uvoziti/prometovati dijetetskim proizvodima koji u svom sastavu imaju *Cannabis sativu* ili njene derivate.

Vežano za upit o sadržaju THC-a u prehrambenim proizvodima i procjeni rizika o utjecaju na zdravlje ljudi, od strane Federalnog ministarstva zdravstva dobili smo uputu da se o navedenom obratimo Agenciji za sigurnost hrane BiH, čija je to nadležnost.

Agencija za sigurnost hrane BiH je aktom, broj: 04-1-2-26-12-75-2/23 od 25.01.2023. godine dostavila odgovor na upit u kome, pozivajući se na član 2. stav (4) Zakona o hrani ("Službeni glasnik BiH", broj 50/04) navodi da pojam hrane ne uključuje lijekove i medicinske proizvode definirane posebnim propisom, kozmetiku definiranu posebnim propisom, narkotike ili psihotropne materije unutar značenja iz Jedinstvene konvencije Ujedinjenih naroda o narkoticima 1961. i Konvencije Ujedinjenih naroda o psihotropnim materijama, 1971., te rezidue i kontaminante, kao i prirodne sastojke biljnog i životinjskog porijekla koji štetno djeluje na zdravlje ljudi.

Nadalje navodi, da s obzirom na to da je THC psihoaktivna tvar prisutna u biljci *Cannabis*, sa mogućim nepovoljnim učinkom na ljudsko zdravlje, a za čiji sadržaj u hrani nije propisan limit važećom legislativom u Bosni i Hercegovini iz oblasti sigurnosti hrane, te uzimajući u obzir Zakon o sprečavanju i suzbijanju zloupotrebe opojnih droga ("Službeni glasnik BiH", broj 8/06), zainteresirane strane su upućene na obraćanje nadležnim entitetskim ministarstvima zdravstva u svrhu ishoda mišljenja vežano za ovaj predmet, te daljih uputa o postupanju, jer ukoliko se radi o dodacima prehrani izdavanje dozvola za stavljanje na tržište vrše nadležna entitetska ministarstva zdravstva.

Upit vežano za uvoz i odobrenje za stavljanje u promet proizvoda koji sadrže ekstrakte, tinkture i ulja kanabisa, Kantonalna uprava za inspeksijske poslove Kantona Sarajevo je dostavila Federalnoj upravi za inspeksijske poslove u čijem sastavu su granični inspektori, obzirom da Kantonalna uprava za inspeksijske poslove Kantona Sarajevo nije nadležna za kontrolu uvoza.

Odgovor od Federalne uprave za inspeksijske poslove, do danas nije dostavljen.

S poštovanjem,

**Prilog:**

- Rješenje, broj: 05-37-6337/17-KPN od 13.11.2018. godine
- Rješenje, broj: 05-37-6338/17-KPN od 13.11.2018. godine
- Rješenje, broj: 05-37-6336/17-KPN od 13.11.2018. godine
- Informacija o proizvodima koji u sebi sadrže biljku konoplju, broj: 07-07.7-10-366-1/23 od 19.01.2023. godine

- Odgovor na upit, broj: 04-1-2-26-12-75-2/23 od 25.01.2023. godine
- Očitovanje na upit, broj: 04-33-0392/23 od 25.01.2023. godine
- Informacija, broj: 07-07.7-10-366-3/23 od 27.01.2023. godine

V.D. DIREKTOR

  
*Adis Mešić*

**Dostavljeno:**

1. Naslovu
2. a/a

Akt sačinila:  Selma Suljević

---

Adresa: Aleja Bosne Srebrene bb, 71 000 Sarajevo  
Tel: + 387 (0) 33 770-100, Fax: + 387 (0) 33 770-151  
Web: <http://kuip.ks.gov.ba>, Mail: [kuip@kuip.ks.gov.ba](mailto:kuip@kuip.ks.gov.ba)

8/8